



Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 57. Hæ turbæ summi Pontificis prudentia sedatæ.

[urn:nbn:de:hbz:466:1-67868](#)

§. LVII.

Sæc. XVIII.

A. C. 1736.

Tumultus Pontificis prudentia sedatus.

Ceterum maximo civium animos horrore perstrinxit rumor, quo per urbem spargebatur, seditiones in eo esse, ut variis officinis ignem suppone rent, & populo extinguendis flammis intento, ipsi armamentarium occuparent, ac inde extracto pulvere, Hispanum Palatium, ad quod ex armamentario subterranea via ducit, everterent, cunctosque Hispanos ibidem agentes opprimerent. Enimvero Clemens Papa sat virium, sat caussæ habuisset, ut armata vi, totoque auctoritatis severitatisque pondere in tumultuantes animadverteret, maluit tamen subditorum sanguini parcere, ac potius benignitate & indulgentia illos ad obsequium revocare. Eapropter Principem Santa-Crucium & Marchionem Crescentium Viros auctoritate & prudentia summos selegit, qui cum factiosis agerent, eosque hortarentur, ut compositis animis a seditione recederent. Hi ergo præprimis ad Transtyberinos, utpote ceteris magis formidandos accessere, & cum factionis Capitibus colloqui petierunt. Ad horum conspectum una omnes

U 5

nes



Sec VIII. nes exclamant : *Vivat Imperator ! Viva
A. C. 1786. Princeps Santa-Crucis !* Utriusque
etiam hujus Principis benevolentiae con-
fisi suos alegend deputatos , inter quos
præcipuus erat quidam Sutor , qui ce-
terorum nomine ita perorabat : „Nos
„Romani sumus , & gloriosorum Majo-
„rum nostrorum sanguis pro conserva-
„da libertate servidus adhuc in venis
„nostris ebullit : Veneramur tamen no-
„stros superiores , & eorum mandatis
„prompte nos subiicimus: petimus autem
„a vobis , ne ab Hispanis in exteræ Natio-
„nis servitutem tanquam mancipia nos
„raptari permittatis , sed potius nostros
„Parentes , fratres Filios & Cognatos
„a Plagiariorum violentia tueri velitis;
„magis enim timemus Hispanos hos
„Piratas , quam illos , qui mare infestum
„reddunt : Pro illis , qui bona nobis
„furantur , aut nostras mulieres stup-
„rant , furca & rota est parata ; cur
„ergo Hispanis impune liceat , nobis il-
„los , quos vel genuimus , vel a quo geniti
„sumus , contra fas eripere . Ut er-
„go nobis in tam gravi calamitate suc-
„curratur , ideo in Societatem coivi-
„mus , quam primum id obtinuerimus,
„mox quieti ad nostra revertentur.
Absoluta hac oratione ambo Principes
deputatis clementiam veniamque Pon-
tificis nomine offerunt , hi vero cogal-
ta



Sæc. XVIII.

A.C. 1736.

ta Clementis voluntate, conclamant omnes, se ad omnia exacte præstanta paratos esse, rogare tamen I. ut cuncti vel a milite Pontificio vel a Sbirris capti, in libertatem affererentur II. omnes Romani ab Hispanis conducti redderentur. III. Exteri militum Conquisitores in Urbe non tolerarentur IV. omnes, qui in seditionis poenam in vincula conjecti fuissent, liberarentur V. Denique Pontifex omnibus, qui pro populi libertate dimicaverant, veniam & præteriorum oblivionem clementer indulgeret, nullusque propterea deinceps aut accusaretur, aut plecteretur: His conditionibus concessis & proprio chirographo firmatis una omnes per Urbem cursitantes gratulantesque inter se gaudium & lætitiam ostentabant, festive augurantes, ut Pontifex salvus, sanus, & felix ad plurimos annos servetur.

§. LVIII.

*Periculosis motus ex hoc tumultu
enati.*

Conceptam sedati civilis tumultus jucunditatem alii inde exorti motus haud parum turbabant; res ita accidit: militum supplementa adhucdum in Cardi-

